



6



游梁集序

往余丞廣平南海歐大任先生則自長安遺書來  
其言數千其旨數十終而私之曰願結交余不識  
歐先生作何狀方坐罪播遷卽素所厚善者稍稍  
棄去歐先生乃于長安豪舉中能走千里之使遺  
余書余不識歐先生而知其非庸人也又八年余  
自楚罷歸歐先生爲學官弋陽淹畱淮楚間莫能  
厚遇也則從余蓬室驩甚已出其所藏彬彬然博  
雅君子哉余旣中廢賓客益落歐先生謬爲恭敬



至徒步相從握手深語此必于吾世亡當而有當于余者則宜不爲淮楚厚遇也今海內縉紳大夫稱文章家無如山東李于鱗東吳王元美者二大夫獨嚴重歐先生夫二大夫所謂避世于朝廷者也酒酣以往白眼漢公卿前舉世鮮所許可而歐先生者貌侵楚語而出語人曰是夫御李而結襪王生者人鮮不易之而二大夫顧嚴重夫嬰之侏儒也春秋以傳雄之吃也厥草太玄假令曹蜍李志而貌二大夫二大夫不之顧也卽歐先生遇之

引與同坐亦不過曰且有典刑而已矣而不事之如事二大夫也歐先生旣過大梁之墟履夷門登平臺俯黃河求所謂梁孝王園者見麋鹿游于臺而衣霑荆棘露也低回留之不能去喟然嘆曰生不逢孝王而獨不得與相如同時哉因著游梁集亾何移學官于郟武矣初歐先生以母老數投劾輒爲上官所止今閩廣接比歐先生幸獲奉板輿以祿養也乃歐先生以書來別曰爲謝武夷君不顧幔亭期矣余惟相如客游梁著子虛之賦卒以



倦遊歸抑歐先生何人類也倘

上問子虛而名歐先生令尚書給筆札如漢所以  
寵相如者吾知歐先生必有進於是者矣

隆慶壬申夏汝南張九一撰

游梁集

嶺南歐大任楨伯甫著

五言古詩

游子篇

雙鴻春北歸秋風復南翔游子  
在萬里何以長相  
望出門別慈母兄弟亦殊方  
明星思井春豈無黍  
與梁朔風感肌骨豈無衣  
與裳負米心徒勤織縑  
寧可將他鄉南斗前惟願親  
壽康睠彼歸飛翼俛  
默摧肝腸



歸來行

持祿匪取容懷歸豈高潔牽拘守文墨蹇劣慚班  
列傳經余未能馳辨猶更拙感會際昌辰嘉招忝  
羣傑陶公微宦情邴氏勵初節朗識早知幾幽貞  
貴明決生平懷五嶽疲薊戀雙闕覲顏暴芳羶流  
沫悲涸轍淵沉亮止鑒雲飛足怡悅白駒謝塲苗  
一丘俟來哲

入浮光山是濮公修鍊處

家業傳丹經幼小窺綠圖世路苦拘閔寥廓意頗  
舒揭來陟雲術飄飄尋靈區羽人何代游栖息白  
雲閣雌蜺翔左右六龍導前驅一攬羲和轡倏忽  
陵太虛手翳若木枝歷歷援白榆輕舉紫霞裏永  
與人代殊浮弋何峻嶒璿臺入虛無茲焉遇石髓  
呷吸粗穢除欲謝人間世去矣從仙夫

淨居山在光山西南四十里思大和尚智者  
大師得法之地寺創齊梁至唐宋皆爲名  
刹蘇長公嘗避暑有讀書臺存焉

名山恨不幽茲境石頗斫蒼鬱山樹層似出翠微



國朝詩集  
游梁卷之一  
半我從淮汝來簪紱媿羈絆岑粵經屢奇莓苔跡  
多換磴絕零露滑峰交商雲粲穹壁隱巉巖細岫  
聚回亂披榛度石梁架壑構雲館齊梁闕春秋藤  
蘿掩昏旦院鶴出香厨池儵泛文瀾物役絕將迎  
心賞寄游翫真樂豈外獎遣累自中晏性於智者  
同宦比長公散卽趣合神期陵谷非所歎翛然得  
我生微尚托星漢

荅朱孔陽

四首

三河一曠望千里吳楚中念我游梁客寤言隔西

東綠髮匡山士皎皎雲間鴻殷勤掇瑤草握贈詒  
深裏余秉嘉遯心遙企松門蹤佳期歎留滯搖落  
悲秋風

秋風日以高大江流不息君居大江西我寄長淮  
北青冥墮浮雲遺我書一尺誰知大雅音乃在西  
江側束髮慕平生不奉几與席侶匹良亦難嬾婉  
那可得於心寡懽諧對面偃蹇色何哉茲望思思  
矯孤飛翼

孤飛不能羣殊域不能親似彼客游子悵悵愁苦



辛褰裳陟高岡縈流見淮濱  
逝矣豫章山何況豫章人  
瓜生蒙棘中采棘傷瓜根  
衿契遠若近纏綿自相因  
涉江將何時悽惻傷我神

婁其南以北周盼天蒼茫  
驅車奚所之落日照河梁  
千古雄心生劔鏑揮寒光  
風雲歘自奇燕雀寧敢當  
鴻鵠志四海寥廓紛翱翔  
塵鞅豈足羈詎顧稻與梁  
曄曄榮紫芝高歌恒慨慷  
世人寡同調誰能測衷腸  
君有商山情綢繆申此章

夏月齋中作

市隱變名姓巖栖避囂喧  
媿余狗微祿七奔波精魂  
持牒浮弋來荒齋謝煩寃  
剪榛蔭嘉樹闢徑滋芳萱  
庭莎稍堪藉籬槿亦可藩  
臯月熙百卉緒風扇微暄  
卽事遂偃仰倦息扃柴門  
開篋讀我書千古精義存  
稱詩河梁作詮藝鄴下篇  
餘音究正始末流泝開元  
斯文豈小技操觚競空言  
儻悟斲輪巧無忘運斤難  
冥心自丘壑獨寤永弗諉  
超然樂恬虛道在懷漆園

游劉子素東河莊



拘虛解星礙遐想寄寥廓屏囂時一遊乘興不俟  
約初經五龍臺稍過七里廓瀟灑讀書園臯原莽  
迴薄舍舟小潢河躡屩碧蒨閣紫氛送疎櫺白雲  
蕩虛幕棧疑鵲梁成石似龍門鑿池亭抗蘭橈礪  
室開蘿幄漱泉嚙玉漿嚼蕊舉紅藥魚鳥能相親  
翳蒼總成樂主人河上公病客東方朔曾是金馬  
門猶棲紫霞宅陸沉世可逃天游理無忤將謝區  
中緣言賦郊居作

贈張子畏

汝南富才窟若人更清朗蘊秀玄璞珍凝姿白雲  
爽竹素游神潑金石流音響矜情許標鮮風流見  
弘獎夙登鵷鷺朝屢遷外臺長何當返初服翛然  
謝塵鞅隱同岳上耕漁狎淮西槩濯纓無世情倒  
屣及吾黨余也握劄劂海內慕倜儻榮羨長公辭  
志嘉季鷹往相逢班荆言泠然契清賞澄醪勸揮  
觴奇帙欣披幌晤對不可常睽離益瞻想憑軾申  
贈章綢繆太丘訪

懷張助甫



吏部起汝海英聲冠時髦蚤荷宰府辟朗鑒同山  
濤一麾轉蹉跎藩方行亦勞南臨江漢長西窺岷  
嶓高播遷何年始倦游值今茲捐佩訴重華投書  
弔湘纍委心保貞素托意寄遐棲墳素知汲衷物  
我何足齊嘯月景夷臺枕流大淮隄翔鷗謝霄羽  
潛虬媚巖姿我昔未相遭再報邯鄲書中原幸良  
覲停騶幾躊躇歡會易睽析嫵婉徒相於尺素曠  
不達碧雲隔光儀攬桂予滯留折麻勞爾思眇邈  
恨今朝引領寄長謠芳春正駘蕩谷鳥鳴遷喬林  
葩映綠萸澤草茂紫萼安得薦華觴及此攀柔條  
矯首望嵩少拂衣俟嘉招

過尉氏登阮籍嘯臺

朝登古臺上迢遞望大河北倚菟氏城獨流揚洪  
波臺下荒荆榛蒙龍帶嵯峨阮公昔長嘯悲風起  
藤蘿白眼視世人禮法亦已苛婚媾曾謝却沈酒  
惟微醺笑彼當塗子負乘何其多貂冠導華簪佩  
玉垂纖羅丹組綰銀黃列侍二八娥少年矜得意  
蜉蝣將如何不見蘇門人鸞聲在山阿俶儻詠我



懷齊軌寧蹉跎任放竹林游徘徊蓬池歌

夷門

魏都金何在汴水無還期夷門執轡人非復信陵  
時茲事已千載蕭瑟秋風吹淒其朱亥市荒哉侯  
羸祠貴盛固殊昔俠烈今如斯感彼虛左情叱咤  
良可嗤

沙海

秋風大梁城沙海浩漫漫臨垓一以歎哀壑多危  
湍成周昔東遷九鼎定洛門天命雖未改邲鄢難  
从安楚人問大小睥睨尚百年何哉梁君臣日夕  
謀窺關齊欲發士卒顏率說以難利害在一時禍  
福各有端卽事刎喉輕傾輶已多艱懷螫匪云毒  
挾重將盤桓東秦得百二何有趙與韓親讎更異  
心唇齒駭易寒已矣勿復言太息摧心肝

汴城南尋大梁亭故蹟

陸海何逶迤輻湊四方入梁王好賓客冠蓋於此  
集平明車馬來延引門下揖轂擊車莫前簪合履  
相及枚鄒紛並游薦達交剪拂積雪臨菟園池竹



檀欒濕授簡名相如詞客隨警蹕漢業當盛昌諸  
侯方睦輯文章爾雅時千秋在茲日我來一游梁  
弔古歷原隰四顧忽茫然因之寄於悒

登吹臺

振衣凌紫霞憑高視中原浮雲芒碭來扶桑升朝  
暉墮野莽茫茫颺颺晨以寒鈞天廣樂奏仙吹如  
雲門駟虬翳飛蓋威鳳雙騰騫千古在日睫極樂  
娛當年倜儻慕英風俠士今何存誕節恣坦蕩嗚  
啾殊可憐大魏訪侯生冀與達者言

游嵩山 二首

褰裳拂烟霧竦身青雲間浮丘何處來接上嵩高  
山雲梯躡青壁金磣流潺湲其前爲天柱頗象承  
露盤石脂鏘然下味如玉漿寒颯颯仙館中飲之  
生羽翰道逢四五公授我青琅玕碧落空歌長颺  
車逝難扳攜手千秋期稅駕何時還峻極惟嵩峰  
二室東西翼漢栢當其陽後隱少林壁玉岫冒青  
霞朱巖表瓊石使者持節來雲中二龍白顧謂李  
少君太乙召爲客王烈得赤文惟有嵇康識飛舉



國朝詩集  
忽上征名記丹臺籍縹緲笙鶴音相迎此山側羽  
節夾道行斑麟去無跡吾將采三花還山鍊金液  
箕山山下有許由墓

大道眇以冥人世多沮洳東陵僧人肝西山有餓  
夫緬懷箕穎客振衣千仞孤天位讓不受棄之若  
腐雛洗耳溪下水掛瓢石上株巢父大笑之飲牛  
以爲汚我行弔孤墳頽憶太史書高風已邈綿遺  
軌在草蕪揖遜事已矣刀斧競相驅膏火日煎熬  
黻冕矜權娛龕亂托兼濟徇世騫榮途損益古有  
訓感之悟盈虛慮淡理無悶戰勝心彌愉百年會  
有盡誰能保其軀委運觀此生雌伏誠非愚大覺  
宇宙間獨立真吾徒

臥龍山謁諸葛武侯廟

舍策廣川陰愴怳迷所適背淮歲始獻及宛朔已  
易懷古遵城南草廬訪遺跡緬昔臥龍人抱膝遜  
荒迹末運當塗高中衰建安歷二祖威靈尊帝裔  
守宗稷感會偶風雲黃麾枉蓬荻片語許馳驅已  
定三分策嗣漢以配天孫曹竟非敵渡瀘軍事勞



卜洛鼎門隔鞠躬盡瘁年落莫盪平勤事往變闡  
閣代更廢荆棘疇壟憶躬耕寧辨阡與陌經祠闢  
叢榛伏臘修脯炙千秋梁甫吟太息南陽宅

峨眉山下蘇墓下作

江原表華陽參虛毓靈秀兩蘇眉州來釋躋及嘉  
祐文馳晁董前學綴孟荀後鴻才負王霸正氣彌  
宇宙休明阻持鈞讒忌已掩袖投荒歲自浚小穎  
志欲就平生挾螭龍竟爾伴猿狖鳴臯鶴頗升下  
坂駿復驟流寓二十年終古峨眉岫壟烟結荒榛  
山吹飛泉溜脆促誰千齡頽頽獨三壽悲涼卜馬  
陵誄歌托絃奏薦芟更何心奠芻豈能侑汝

泫泫嵩高白雲覆萬里憑軾人松醪瀉新

入洛二首

驅車晦朔改首路軌轍長行役屆三川日夕及洛  
陽遐征息徒御眇默感星霜西盼嶽峯頰東睠梁  
陳疆河朔異風壤伊穀絕津梁崇芒鬱嵯峨鴻流  
浩茫洋緬想東都盛曠野莽可傷故國喬木悴高  
墳華黍荒不必雍門歎吁嗟熱中腸修名愧不立



蓬心互旁皇佇立萬里客關山鴻雁翔

步出平城門三市紛已暮巖峙虎牢關威夷成臯  
路煌煌京洛中冠蓋競馳騫企跡紫闥雲揚芬蘭  
臺霧豈必子公力猥荷夷門顧虛薄罕時才嘉招  
忝西赴名位故自卑獻納寧可遇引領景運開奔  
湊銅龍步握管覲英髦彈冠謝交故龍辱誰可驚  
衡茅尚吾素千金慚非駿五石偶同瓠何當奉簡  
書歸事東菑賦

海鷗篇

蜉蝣不知夕蟪蛄不知春醯雞局甕天斥鷃驕溟  
鯤鷁鷁翳林枝四顧無鳳麟魯人薄東家鄴人厭  
西門雲士難方朔公孫睨轅君徂徠山上松風霜  
化爲薪執戟从不調巧宦嗟何人世路方嶮巖量  
已貴識真梗梓棟梁材奚用荆與榛蛟龍變化時  
焉知蛭與螾揚蛾非少年戢羽全其身翩翩魯連  
子海鷗誰可馴

游梁集卷之一終



游梁集卷之二

嶺南歐大任楨伯甫著

七言古詩

光州學舍作

貧家戀俸錢疲馬思芻草艱難千里不辭勞憔悴  
一官那可道廣陵昨者滯三年及到浮光始自憐  
豈堪手板仍趨府只合腰鎌學種田風塵作吏寧  
能做骯髒爲人衆所捐沐猴而冠盡如此醉騎土  
牛笑何似涉世名輕賤老儒還山許拙羞兒子知



已吹噓未報恩青雲多少傍金門詎乏平生嘉遯  
節白頭司馬漢文園

酬劉仲子雙鯉歌

淮河春水高七尺西入潢川浸蛇石千里汝南皆  
疾風天地黯慘雷霆激蛟潭濤起龍宮幽鷺走獺  
饑魚尾赤劉君好事來懽呼釣竿嫋嫋沉珊瑚出  
手獲得四十九送我長淮雙鯉魚貫之以柳尚灑  
潏廬兒三匝喜欲躍急呼養人奏鸞刀鱠出玉盤  
雪飛落先生慣飽南海鰈一官苜蓿亦不薄得此  
引觴仍大嚼紫駝翠釜非吾樂勞君尺素勸加餐  
字字琳琅石上看君今正是投竿日我已思歸烟  
水寒他時鱸鱖儻堪煮更有新詩報淮汝

聽蟬篇

滑州城東淮水邊楊柳陰陰萬樹蟬輕身蔽葉人  
難見亂噪臨風客最憐客途忘遠近故鄉隔音問  
一歲復一年離愁復離恨溝水東西割斷流關山  
南北棲何郡塵中空緇謝生衣鏡前獨感潘郎鬢  
何年星散出長安閣道鈎陳夜夜看玉植青葱臨



壁沼金芝璀璨照銅盤當時雍時觀麟角只道文  
成食馬肝搃死東來多羽客鑿空西去半貂冠溫  
室敢言高樹異上林欲借一枝難歸來乎歌獨漉  
東方頗有三千牘甘泉宮薦白鹿太液池下黃鵠  
憔悴公車獻賦人因思落葉哀蟬曲

和劉伯玄二長句

并引

汝南劉進士伯玄博古士也客自燕趙至  
者以玉璣一具銅印十二枚視余按璣音  
衛古劔鼻也驗其質如侑杆聲如礪磬臥

蠶文與劉貢父先德潤圖譜合印一龜紐  
者尤佳俱漢時物將相之寶也因從與伯  
玄購得之伯玄喜甚作玉璣歌金龜引二  
長句持索余和豈非善歌者使人繼其聲  
耶勉爲賦荅抑以彰來篇之益美耳

### 玉璣歌

君不見斬蛇劔上七星祥襍厠琉璃五色裝開函  
拔鞘悲風起精彩射人如雪霜劉生似是沛公後  
腰間三尺芙蓉秀欬飛何意得干將渡江揮咤蛟



龍鬪琬琰朝持貫白虹鉤鐔晚拭懸冰溜趙客新  
携蠶蠟來生也貂裘脫相購佩刀理琫太室前櫺  
具鹿盧大淮右聞生嗜古以自娛家藏周甌與商  
瑚駟驍橫陳求欵識尊彝駢列辨形模鳳鸞漂泊  
山間筴螭虎紛挐石上趺拳科倒薤揜筠筍水碧  
金膏沾綉襦星羅月鏡策府夕燭銀宛在閭風側  
寶石圖前匣自青玉雞池上珠猶赤魯相七枚先  
有書安期千歲空餘烏擔簦躡屩雙壁還如意出  
地胡琮識生操寶劍時獨彈劍鼻吹之簞策寒策  
勳云倚崆峒上起視北斗斜闌干熒熒我亦旁睥  
睨 天子待汝塵臯蘭丈夫何事老筆硯酒酣上  
馬趨長安

金龜引

玉衡星正靈龜躍翠媯之川下清洛觜螭照彩但  
空聞岨冉出波詎曾獲蓮葉浮游直到今蒼叢坐  
守猶如昨何年鑄此銅紐成爐治陰陽五花爨赤  
符成字八千文丹甲銜圖一萬春將因寶謀頻書  
端更與金章并紀珍西京龍首未央殿學士將軍



時引見待詔七言同賦詩出師五道遙催戰一時  
封拜盡英豪筆札銘功彝鼎高總戎別署軍司馬  
持節分騶部曲曹君不學傳介子揮戈西斬樓蘭  
王肘後纍纍朱鵠光烈城疏爵封義陽又不學朱  
買臣上書立拜會稽守邸中計吏驚且走上謁引  
觀郡侯綬北斗南辰大富昌徵靈感會縮銀黃餘  
十三鑄還三顧丈二之組繡文章金龜 須佩燕  
領終吾輩豎子不敢前吒咤千人廢劉生劉生俠  
者流六國相印爾所羞从知童孺如楊寶今日關

西忠孝侯

二李行

商於之地六百里鄧鄧半入秦疆鄙張儀終相大  
梁君穰侯却忌關東于秦疆楚塞鬱何窮南酈北  
酈帶丹水名族爭推畫諾人思玄頗識張衡氏風  
流文采又千年今於內鄉見二李子田十載漢太  
史骭髀坐失貴人指一出江南未召歸參藩西向  
晉城裏子餘新作南宮士結束將客長安市昨賦  
金陵千首詩傳寫忽貴洛陽紙我臥浮光祇一瓊



叩扉二李來翩翩掀髯論藝各大笑爲我陳說虞  
夏前曾聞明代稱大雅中原誰如李何者獨立九  
州難頡頏叱咤萬象多喑啞氣吞虹霓飛轆轤力  
奪化工運陶冶倏爾憑陵風雨來劃然驅走波濤  
寫研意深沉逼運雄鑄詞藻艷驚飄灑賦出自堪  
窺屈宋書成便已薄董賈金支秀華白日中太阿  
飛景青冥下么麼姓字方剪除流響到今和彌寡  
世上虛名每誤人登徒疥痔愛不捨邯鄲能無眇  
跛姬代北亦有蹄齧馬黃河大岳颯英靈疾飈一  
掃武安瓦二李先生欲代興如澠且舉山齋竿

贈鄭醫

神醫傳業有系緒博極經方考圖譜熨灑砭鏡本  
上池飛昇變化皆靈圉梁宋萬客多荆吳卜肆藥  
丹每堪語典御誰如河內張遺書獨有陽翟褚仲  
景先生金匱成華陀讀之首推許末代專門術已  
希束書不談鮮稽古本草湯液百不知素問難經  
幾能舉江西鄭君汝南客下簾門戶窺丹籍周趙  
已知秦越人羣公游楊競虛席起死言非飲藥功



禁方况且二占脉師承似是長桑君視一垣邊人  
不識君不見會稽周溥醫有聲授之南郡高子明  
黃帝扁鵲書盡讀東垣丹溪義更精考源括要名  
字起成化之間聞汴京余也羅浮一畸士世人但  
呼穉川子醉視鄧嶽爲狎鷗勾漏求丹自今始寓  
客君如鮑太玄詎但汴水周文淵蓬萊閣上堪千  
載行將期汝於朱明耀真之洞天

嵩丘仙鹿歌贈劉氏

君不見羨門子乘鹿日游三萬里侍從續紛玉女

來青毛節下白雲起君不見齊女生蓮華峰頭騎  
鹿行中天照曜仙人掌手把芙蓉朝玉京今之玄  
鹿嵩丘出青鸞爲羣鶴爲匹嵩於五嶽標第一旁  
有太室與少室劉君白髮嵩之陽汝南亦是仙靈  
窟三花結佩共何人雙管凌雲記前日諫垣一出  
守三巴蚤憶還山采芝朮史有黃門給事書頌多  
西蜀詞人筆歸來馭鹿似蒼虬三十六峰遨以遊  
龍門底柱叱其立太行王屋指使留玉虹雙夾行  
更曳紫電晝閃不敢收餘霞片片散成綺頰窺千



折百折如絲之濁流仙家石鼓滿巖口有時擊之  
魑魅走黃姑織女解其綬彗出東方東爲帚上掃  
青犬萬古之浮雲下攬函谷千山之紫氣大笑繫  
之玄鹿首霓旌風旆颯颯殘山葉爲之丹壑龍爲  
之蟠赤霜之袍九華冠忽若行春夾轂看急雨碎  
擲珊珊期寒我來東南騎茅狗執君之鞚酌玉斗勸  
君酒爲君壽明月清秋無盡期青崖玄鹿長相守  
回首羅浮大藥成頭顱已瘦骨已輕願隨道士浮  
丘去接上嵩高調玉笙

送劉伯玄兄弟北上作黃鵠篇

君不見西飛太液雙黃鵠宮前沆瀣春波浴白日  
寒光颯羽毛樂府歌之薦嘉福劉生兄弟起梁苑  
五色衣裳照龍袞給札承明侍從間一朝致身未  
爲晚憶我酣呼郭隗臺黃金突兀浮雲摧當時駿  
馬不易得此地悲風千里來易水東流過臺側太  
行雪片大如席舞陽勾踐安在哉吳鉤灑削芙蓉  
色昨傳烽燧到邊城三輔先屯大將營天山遙奪  
單于壘瀚海俱懸屬國兵劉生豈但文章伯花卿



國朝詩集  
游梁卷之二  
八  
二子騰驤客實塞先條漢使書繞朝獨贈秦人策  
入關棄繻誰敢當門前受謁諸侯王腰間不插大  
羽箭手上何用綠沉槍自揮曉日旌旗散寧遣秋  
陰鼓角長三軍喜見旄頭落 聖人端拱開明堂  
借君千尺如虹筆長掃妖氛北斗旁

劉伶墓同吳虎臣作

淮水西邊浮弋北人道劉伶有真宅秋風寂寞一  
孤嘖牛羊躑躅鳥啞啞憶昔正始永嘉年鮮卑雜  
種未克斥市朝富貴錢有神將相王侯家頗赫禪

中之蠱信可憐鴟鵂腐鼠日相嚇拔俗清舉衿契  
同竹林酣暢總詞伯叅軍矯志在雲霄仰天頌酒  
出肝鬲流連沉湎豈世情丘壑彷徨見風格鹿車  
壺榼任放行鴻毛宇宙堪一擲瞬息人間萬事非  
逡巡隙裏千秋迫頡頏嵇阮並一時繾綣山王偶  
同席灌園佐鍛人更來枕麴藉糟爾何劇俟河之  
清且拍浮長嘯青冥眼俱白荷鍾悠悠天地間何  
處不堪葬魂魄銅駝荆棘殘洛陽金谷池臺荒梓  
澤典午山河滿目前幻住天涯寄松栢風塵慘淡



匹馬寒走爲伯倫奠杯炙異代君知同志誰江東  
酒保河嵩客

陂下行 并序

臘日雪中劉伯玄餉野鴨魚兔麩米諸物  
吾飯不旣足矣乎伯玄復題書云鵝放山  
下瘦不可致戲賦荅之

陂下君捎野鳧至一雙爲我嘗新饋獵後君籠山  
兔來羸小何妨且養哉西莊釜粟東河麵二尺湖  
魚供我膳豎子肩遺竹下厨先生腹飽齋中宴諸

孫索飯乃公歡日攝械題就榻看隔城可惜不相  
見送臘他鄉歲又殘是日雪花滿嵩洛草書君在  
臨池閣千鵝已自惱比鄰那得猶辭瘦如鶴君不  
見對酒愛鵝杜陵翁右臂偏枯左耳聾卽令齒落  
能大嚼豈爲口腹賤與窮又不見書罷籠鵝王逸  
少割味分甘樂漁釣山下懸情白一羣謝家光祿  
聞應笑大劉大劉君今肯讓李洮州我衰尚可叅  
軍謀懸瓠城邊擊鵝鶩軍聲夜起大淮繩

元夕篇



上元昔在先皇日寶馬驟驪傍京室南陌東城  
賞不同花宮燈市遊非一西苑迎祥啓玉扉高玄  
殿上鶴盤飛九枝却掩春星色千樹爭停白日暉  
通宵閣道鑾輿度羽蓋翩翩歛風霧膏粥誰從太  
乙祠布衣且罷甘泉賦今年天子祝繁釐燈火  
連天又一時綵樓結處鰲山擁寶炬光中鳳鳥移  
梁棲玳瑁鴛鴦叫障羅翡翠芙蓉笑吳紗剪帶帶  
交垂蜀錦妝花花四照蜚廉屬玉半空分蕙氣蘭  
香白和焚歡聲平地魚龍戲舞隊周陟虎豹羣撞  
鍾伐鼓行霄漢命酒徵歌召歡宴霞幕西山倒暎  
開星橋北斗平臨見珠旗十丈禁城阿鸞吹猶聞  
輦路過五侯七貴承恩出萬戶千門奈樂何我獨  
淮西臥高閣陸沉不似東方朔詼諧托諫意何如  
自笑看燈與蕭索天顏有喜詔陳詩月滿蓬萊漏  
下遲只羨都人誇盛事周南畱滯最相思

漢柏行

萬歲峰前雙玉闕武帝升中有車轍三柏盤根閱  
世孤千五百年色如鐵映石高枝淺黛飛叅天老



國朝詩集  
卷之二  
二  
榦空青裂翠葉曾披漢代雲銅柯頗照秦時月只  
今猶蔭太乙池何但晴含嵩嶺雪我行騎出登封  
門下馬摩挲爾尙存容畱幸見清平世長養深知  
雨露恩溜皮碧蘚龍鱗蠹霜骨蒼稜犀甲繁天柱  
露盤氣蕭瑟緱山白鶴迴翩翻壇前白日忽清朗  
崔嵬古樹交深爽十六仙人何處游繽紛玉女能  
來往漠漠礫沙風晝寒摧殘芝草與琅玕乾坤萬  
木凍應折惟有三花爾共看

嵩嶽歌

君不見中天五嶽表嵩岳元氣開闢凜礪礪柳張  
角亢星野連恆泰華衡地維絡嵩高之下二室尊  
三十六峰並崑崙飛泉瀉空龍作湫陰厓積雪終  
古之風吹不落星冠西拜集仙臺芝泥瑤檢錮莫  
開七十二君竟安在漢家雄才之主胡爲奉祠而  
至哉申甫翰周亦已矣有如黃河經底柱龍門東  
下而竟不可回鳴鳥不聞鳴犢死臨此三嘆令心  
哀予也出山辭羅浮九疑八桂東西州武夷匡廬  
吾范裘鍾陵灑霍吾糟丘一瓢一笠寄於天台天



歐陽詩集 游梁卷之二 三  
姥赤城鴈岩而沃州一窺日觀登岱頂今躡王屋  
來嵩游下俯終南停物峨眉汶領奚啻海上之浮  
漚臥綠雲兮食紫芝驂白鹿兮鞭赤躡醉持玉笙  
吹仍借黃鶴騎遙謝浮丘公萬三千年復來期吾  
誠不能待尚平之畢婚嫁風塵蹶躅良可悲君不  
見大行之路多偃蹇蓬萊之水易清淺緱氏峰頭  
謝世人中嵩自可攜雞犬

中牟大雪趨汴城作

偃師東行路蕭瑟潁陽歸客懷蓬華牛二店前餐

不遑曲梁館裏衣頻拂嵩山月色照銀鞍自笑風  
埃老皮骨花朝已及酴醾香豫數光州看花日正  
月西遊二月還路出梁園馬蹄疾中牟鹵更圃田  
西咫尺飛沙路忽迷貂裘烈盡北風急憔悴孤征  
凍蹇嘶康王城邊古臺下堠子門外無行者瓊瑤  
宮觀白雲天楊柳無枝不堪把馬上思家萬里長  
泥乃光州非故鄉雪深不見一南鴈行盡關山一  
斷腸

鄆陵逢胡十九飲酒歌



京洛緇塵人共厭相逢盤礴彭岡店館裏歌呼持  
濁醪燈前拂拭看雄劍外黃遊俠自西廻小閣杏  
花紅粲開兒童淮汝無消息那得長安有使來行  
人問路居人笑婦姑城北停殘照君不見鮑氏空  
能東武吟阮公且向蓬池嘯

游梁集卷之二終

游梁集卷之三

嶺南歐大任楨伯甫著

五言律詩

劉太守邀游郊園泛舟立湖

四首

郊居屏氣雜賦已過休文朱黻辭青瑣琅函寄白  
雲仙多梅福隱吏豈漆園聞知我扁舟興江鷗蹇  
可羣

家自開文苑人誰共釣竿清纓來濯近白雪和歌  
難杖底河山盡尊前星斗寒溪憐蘿薜色出戶幾



回看

十里玄湖曲長楸背郭西風蹄嘶櫪馬水影舞山  
雞歌管迎雲上檣旗出浪低花源期再入不似晉  
人迷

風塵予傲吏禁闥爾閑人門頗容長鋏星能聚角  
巾考槃黃子國進艇大淮濱便欲拈書籍茅齋願  
結鄰

寄淮安陳使君玉叔 二首

廣陵思薊雪汝水望淮山劔別龍難合書成鴈未

還波濤秦石外印綬楚漁間問我今何狀秋風白  
閉關

請郡年猶少來分 聖主憂蒹葭滄海暮鼓角楚  
城秋廷尉秦持法邦君漢列侯金莖知在望春色  
入 皇州

宿慈氏寺

暝色寒棲處申州古寺門懷嵩思御鹿近楚似聞  
猿石几空經卷山鍾滿給園僧從賢隱至相對竟  
無言



觀獵

古苑申城曲鳴笳羽獵寒京薪連燧舉叢楚帶林  
殘野饗鮮仍割軍歡醴欲乾柳營新卷甲風急雪  
漫漫

鄭園梨花

載酒洗妝晚東園玉照層春晴如帶雨夜月半銷  
冰金葉瑯琊獻緜枝大谷稱簾櫳看不足客散把  
銀燈

胡馬

萬里疾呼風大宛天駟雄玉花搏月白赤汗洒烟  
紅嘶向橫門道思歸御苑中死生如可託寧數鮑  
家驄

開元寺閣夜

輕裝猶作客倦疾宿招提樓櫓臨城近星河傍戶  
低孤蹤縵氏鶴殘夢汝南雞萬事禁愁裏關山况  
鼓鼙

登鎮淮樓

千堞臨淮水他鄉聽暮笳烟波長送客鴈鷺未還



家身遠雙游屨時危一釣查垂楊春又暮風起滿  
城花

伯玄夜過

短策柴門下淮西月正高踈槐涼石磴清露泫林  
臯偃寒羣書積浮沉薄宦勞非君好幽事誰更問  
蓬蒿

雨不絕

濕幔滴何已歎牀漏不禁漲添淮水  
山  
深疲敝須時策誅求豈  
帝心  
藿食

夜沾襟

秋晴

荒城草露繁林薄散朝暎朱橘思江市青楓  
驛  
門并非王粲宅鍛似呂安園嵩華千峰色清秋傍  
短轅

秋日官舍雜詠 十一首

偶別灌園侶頻從博士徵宦情淮上釣客食岳前  
僧屐屢尋山著樓曾去國登羅含茅舍在誰道似  
江陵



閉門河上館散帙適高秋圖下驚山響琴邊聽水  
流外兵陶氏隱佳句帛公酬 聖代容疎拙因循

謝白鷗

蕭散從吾好卑棲免俗猜游梁差學賦入洛敢言  
才牒以求閒上門因好事開抽簪何日去似戀景  
夷臺

暇時觀饗射高揖汝南生瓠葉聊爲禮  
荷花不辨名井丹修謁簡玄晏注書成  
落莫家人產空餘舊酒鎗

俯仰人間世支離亦可憐年勞多在告月請从無  
錢筆已牆陰積瓢於磻樹懸羞言六百石始憶汶

陽田

善俠貧偏甚爲儒老更迂印封嫌吏請鉞罄遣兒  
酤官馬芻新減公田秫半蕪浮生醒醉裏猶自學  
潛夫

山雨村春絕空囊索米人檢書交態盡隱几倦游  
真林密多羈羽池荒有涸鱗青雲誰解事偏得二  
毛新



把臂入林从修心自有師齋頭題短偈牘尾草新  
詩行藥全妨讀聽松未廢碁法門願不二難與外  
人知

官閒得高枕瓶粟便堪歡小市薪蔬少孤城藥餌  
難褐長知漸瘦髮短怯新寒斟酌還山計唯應老  
鷓寇

傲吏心何慕幽居與頗增竹齋當晚淨萍沼入秋  
澄朗月邀清詠浮雲傍曲肱沈冥雖狎酒終愧水  
衡丞

解舍荒秋色居然似海隅風餐思石劫井汲清山  
都竹下清羸勝星前慘淡殊詩名君莫誤拙宦自  
吾徒

从免荷鋤役閒曹性所宜杜陵投幕府山簡愛魚  
池小品籤仍下陰符篋懶窺報書嵩少客新有白  
雲期

光州初雪邀林幹夫王九德二僚飲首蓿齋  
厭作悲秋客歡逢賦雪游玉關平岳色銀海入淮  
流酒薄青氈館詩工紫綺裘未須期訪戴且醉汝



南州

雪後王九德招飲

積雪滿林臯邀歡興亦豪  
燕歌能自和郢曲向誰  
操閒頗宜清俸醒何論  
濁醪袁安方閉戶莫遣  
笑吾曹

載酒夜過普惠僧舍訪吳虎臣

漆園吾豈傲騎馬亦閑  
行爲訪無家客因知出  
世情院燈馴鴿下山磬  
暝鴉驚濁酒逢君醉浮  
沉不用名

同吳虎臣過劉子素後園探梅得歡字

臘送淮西色偏逢濁酒  
歡玉鱗飛月過珠斗映  
空寒高士林猶臥佳人  
歲未闌因君春信早扶  
醉幾回看

紀夢

有引

隆慶庚午嘉平月二十三夜夢迎先考於光  
州學堂贊謁上壽如家人禮先考曰昔年  
病足不能游羅浮今日爲汝過河岳大佳  
大佳持觴口占有蔬盤嵩閣色釣艇汝河



秋之句倏然而覺嗚咽流涕猶似在膝下  
也因續成篇索子素虎臣共和之

藍輿不度礪咫尺望羅浮何意神游遠中原精爽  
留蔬盤嵩閣色釣艇汝河秋繞膝方驚夢哀歌涕  
泗流

雨中陪陳光州泛舟玄湖餞王侍御赴釣州

二首

移舟忽相送祖席使君灘淮上雙熊軾釣臺一豸  
冠朱櫻春色盡白雨夕波寒行矣毋勞憶晴虹我

白看

握手風烟裏何當別路長衣冠如泛洛車騎獨游  
梁隄覆驚春草亭留過雨棠他時汲南使書札問  
行藏

渡澠水再過申州尋紫霞觀楊道士

賢隱山連郡城頭半紫霞酒人澠水月劍客洞庭  
花投杖今何處懸壺卽是家君逢勾漏令不必問  
丹砂

七夕立秋

二首



桐院秋先到雙星此夕看客心銀漢水岳色白雲  
壇厭巧寧須乞憑虛自不寒中原朋好散何地憶  
長安

避暑千杯少含風一簟橫殘蟬潢水岸落葉弋陽  
城騎省多秋興滄洲豈吏情七襄今欲報槎上幾  
時行

信陽夜歸西廓憶四弟

兄弟五千里音書六七年老親天幸健从客世情  
憐多夢摩圍閣秋荒下溼田朗陵今夜月寧似釣

江烟

西郊

秋郊搖落早騎馬滑州城怒鶻捎溪莽饑鳥下遠  
坪河醜黃武水關阻白沙營官渡東流去誰知緩  
轡情

閣雨

楚雨白絲飄親朋書札遙孤城荒几杖萬里狎漁  
樵簷濕沾懸幔溪喧沒斷橋文章沉陸从不必恨  
南朝



虎臣伯立見過待仲貞不至 二首

步履爾能求清言盡日留吏情非騎省客舍似汀  
洲牕暗殘碁雨關寒亂柝秋毋論淹一醉千載見  
風流

咫尺人難至蕭條我自閑秋聲多傍竹雨氣稍沉  
山移病漁樵後械詩海岳間芙蓉堪共把早晚欲  
東還

冬日過汝南訪張子畏

長公歸已久渡汝問行藏關氣高天紫河水濁浪

黃鴈迷雲慘淡駿急野蒼茫携手千秋約中嵩卜  
草堂

人日同仲貞賦

客頗憐經歲人今得此朝綵新傳勝巧簧暖傍歌  
嬌霽雪花頰簇春星酒屢邀西堂燈已試銀樹夜  
溪搖

雷南陽郡齋夜飲

涪城趨府日召堰聽歌來出牧千年後稱詩七子  
才白雲留下榻銀燭照銜杯談笑能忘夜更闌一



騎迴

集方允治宅懷陳敬甫

一時稱國寶劍本出東吳世事中山篋才名小郡  
符遭逢吾獨老禁省爾方趨漸遠羅浮客他年寄  
憶無

遊崆峒山廣成宮

軒轅曾問道宅自至人開白犬高雲下玄珠赤水  
來花深飄絳節草暖積香臺西去襄城近還尋大  
隗迴

葉縣尋雙鳧觀

風塵幾傲吏漢日有神君鳥以尚方至符從下邑  
分宮前沾紫氣仗裏拜彤雲一自飛鳧後寥寥不  
可聞

宿龍門演公房

洛塵飛不到夜从誦函經磬近燈前發鶯新枕上  
聽河烟伊闕白牕岫岳林青一宿猶桑下因題法  
藏銘

洛下遇楊秀才



立談交可定年少爾趨風名字關西起文章蜀郡  
雄易能宗鄭氏人自表中嵩萬里如相憶羅浮海  
樹東

安國寺月夜集亮上人院

東洛多名寺西來第幾燈一庵山月淨孤磬閣雲  
層苔偈容長揖談詩傍曲肱雙林如許住還約虎  
溪僧

過緱氏上轘轅嶺

玉笙猶有館緱嶺夕陽間馬入轘轅道雅投女兒

山一官游已倦五岳鬢先斑爲赴千年約東尋白  
鶴還

少林寺遇性上人

薊丘君始返嶺外我來尋偶以一時至同爲出世  
心閉關知面壁住嶽可抽簪頗笑東方朔金門竟  
陸沉

宿少林方丈夢惟敬少承

今夕烟霞夢逢君侍從廬燕陽期解紱嵩室待藏  
書拙宦詩篇裏虛名啓事餘漢家求禪草應自有



相如

繁城觀魏受禪尊號二碑

寓目千年上衝泥不怯難山陽將受冊許下遽升  
壇金掌宮盤淚銅臺總帳寒西陵無片石此地最  
堪看

陸華父過光州同賞鄭園芍藥

君自廣陵來名花向此開鶯疑歌洛苑鳳似下秦  
臺絳雪飛觴興青雲染翰才春湖殊解意留客未  
能廻

游梁集卷之四

嶺南歐大任楨伯甫著

五言排律

劉伯玄吳虎臣劉仲貞過荒齋翫菊 十二韻

柴荆非有約何以枉諸公社自高陽侶門多處士  
風流塵開坐上清供滿齋中露氣籬為菊秋聲井  
是桐冷英分鱗犖吹葉入簾櫳酒洽操觚客碁邀  
負局翁胞人珍紫芋園子折青菘楚璞看成鼠吳  
鈎試似虹鍛堪同樹下僧可隱牆東伏軾交非晚



懸河論欲空乾坤皆一馬身世但孤鴻末路期知  
已浮雲碣石宮

雪後發蔡州經鵝鴨池

乾坤百戰地晴雪擁雕鞍談笑秦人策蕭條楚客  
冠長途游已倦薄宦去猶難請疾憐雙鬢銜恩愧  
一餐淮西鞭弭急岳下羽旄寒落木天俱遠孤城  
水更蟠軍聲鴉鶩散烽堠枯樺殘馬上征夫淚關  
山况北看

游梁集卷之四終



